

四庫全書

子部

欽定四庫全書

唐開元占經卷四十

唐 瞿曇悉達 撰

填星占三

填星犯北方七宿

填星犯南斗一

石氏曰填星犯南斗為大赦 郝萌曰填星犯行入南斗且失地使之不然無淫於樂無見諸侯客無出遊如

此即止又曰入庫以喪起兵國中 填星入南斗天下

受爵祿期六十日若九十日 陳卓曰填星出南斗兵

起四方若西南 郝萌曰填星逆行南斗地動

宋書天文志曰

晉考懷永嘉三年填星久守南斗其地動

填星逆行南斗女主賞賜不

當 黃帝占曰填星守南斗先水後旱若守之一旬名

水有溢者不然則有暴水出 郝萌曰填星居南斗河

戌間道不通 北官侯曰填星處南斗不用衆有天下

填星與太白舍南斗抵斗若兩大宰相為亂 郝萌

曰填星出入留舍南斗之間二十日不下有大喪 齊
伯曰填星出入留舍南斗二十日不下有喜三十日不
下民人無事五十日不下彗星出六十日不下民人憂
九十日不下天下用兵 春秋緯曰填星守斗王者封
賞諸侯若上官吏有受賜者 石氏曰填星守斗國多
義士 郝萌曰填星守南斗地裂一曰山崩天子失制
天下大赦 荊州占曰填星守斗大臣逆姦民賊子欲
殺其主又曰在陽田宅賤在陰田宅貴 石氏曰填星

逆行守斗女主賞淫佚一曰姦臣賊子欲謀君 巫咸
曰填星失次守斗所守之國當誅 聖治符曰填星入
斗口而守之人民有背主者天下壅蔽在陽為天子在
陰為諸侯期不出一年 郝萌曰填星不入南斗道女
主嫡子不代

填星犯牽牛二

郝萌曰填星入牽牛為天下牛車有行一曰有盜賊
陳卓曰填星逆行牽牛女主為姦為賊 春秋圖曰填

星之牛天下求皮草筋角 郝萌曰填星乘牽牛為天

下有大水起又為人相乘於道 填星出入留舍牽牛

有失地之君 春秋圖曰填星守牛二十日不下大人

有疾牛馬多疫疾而死 石氏曰填星守牽牛諸侯多

忠烈一曰大赦天下有急守牛南為天子牛北為吳

郝萌曰填星守牽牛貴人憂 海中占曰填星守牽牛

為牛多疾一曰兵起凶關東憂雨雪大人疾民人疫

郝萌曰填星守牽牛為穀貴又曰山崩地裂冬雷疾病

姦臣賊子謀弑其主有急令一曰涌水出 陳卓曰填
星守牛鹽貴 石氏曰填星犯守牛有土功事 甘氏
曰填星犯牛留守之為破軍殺將

填星犯須女三

荊州占曰填星入須女天子有大喜 陳卓曰填星逆
行須女主不親事 荊州占曰填星犯乘須女人民相
惡有女喪 郝萌曰填星守須女逆行色不明女主不
親桑 齊伯曰填星出入留舍須女其國得以強且以

武致天下三十日不下國有失地之君五十日不下且有亡王走王民人歸其故鄉春秋緯曰填星守須女后宮有喜賤女暴貴若后宮專政女謁橫行石氏曰填星守須女多姣女朝臣幸巫咸曰填星守須女世多姣好一曰貴女與賤人交海中占曰填星守須女陰山水出廬宅壞天下多土功事郝萌曰填星守須女為大水且至陳卓曰填星逆行留犯守凌須女天子及大臣有變必有奇政令

填星犯虛四

巫咸曰填星入虛中伺其出日而數之期二十日為兵發伺始入處之率一日軍罷 郝萌曰填星入虛有德令大人憂天下大虛天下亂政急 填星逆行虛危其時天下宗廟及諸侯血食有官者盡罷 荊州占曰填星逆行虛君臣不尊敬祭祀女主不謹 春秋圖曰填星之虛有大憂 郝萌曰填星舍天府門中央赦 填星出入留舍虛中且有急令行未當至而至有客兵不

過五日而去當至不至其國且用兵 文曜鉤曰填星

守虛土壅水有土功事若宮女有死亡之憂 石氏曰

填星守虛之中水且為急進而守之有客兵斧鑕將用

一曰世俗遊讒高談雅論 巫咸曰填星守虛宮人多

有病瘧死者若水雨不時天下大旱多風粟貴一曰有

兵災為水災萬物不成穀敗 海中占曰填星守虛人

民不安多妖言 郝萌曰填星守虛大臣有欲危宗廟

者 填星守天府必有亡國死主又曰天下賜喜 石

氏曰填星逆行守虛其君簡祭祠 海中占曰填星入
虛犯守之當有急令星行疾而入必有客兵斧鑕用不
出其年

填星犯危五

荊州占曰填星入危天下大亂若賊臣死 郝萌曰填
星逆行危女主事先人不謹一曰齋戒不謹 春秋圖
曰填星之危黍大熟民有憂 填星出入留舍危其國
破亡矣必有流血國空虛有死王期二年一曰中外有

急未當至而至國有客兵不出五日而去當去而不去
其國且用兵 河圖曰填星守危去之一尺皇后有憂
若貴女有死者 文曜鉤曰填星守危人民有憂 石
氏曰填星守犯若角動色黃黑以興功構架屋事一曰
天下弋獵事在天子 海中占曰填星守犯兵起南方
一曰野物入國庫人君戮有土功為旱五穀不實民人
不安寧民流亡且有疾 郝萌曰填星守危為大人蓋
屋事一曰民多兵 荊州占曰填星守危民多病癰疽

者小有兵 郝萌曰填星逆行守危其君簡祭祀 甘氏曰填星犯守危皇后憂疾兵喪並發國且有大戰工匠大用 海中占曰填星入危留守之其國破亡有流血將軍戰死亡地五百里必有徙王期三年 郝萌曰填星守墳墓為人主有哭泣之聲

填星犯營室六

石氏曰填星犯營室犯陽為陽有急犯陰為陰有急 荊州占曰填星犯營室宮中有變土功事興 春秋圖

曰填星之室田宅大貴 巫咸曰填星居營室關梁不通出入操持符節貴人多死 郝萌曰填星宿室而逆行則女子自恣 北官候曰填星出入留舍營室中六十日不下土功事大起 河圖曰填星守營室邦君有喜賜其爵祿有封土者 石氏曰填星守營室東壁天下不安百姓易處人主徙宮有工匠之事一曰守室色黃白宮女有分離賜邑而去者 甘氏曰填星守營室國有軍若有爵封增國 海中占曰填星守營室南則

主賜金錢 郝萌曰填星守營室為大人忌以赦令解
之一曰后夫人憂 齊伯曰填星守營室三十日不下
土功大起王者作宮室 郝萌曰填星犯守營室宮中
有夭死大人皆有土功之事 荊州占曰填星犯守室
為女有宗廟事以赦解之 春秋圖曰填星逆行留守
室天下不寧貴族不相信親戚離公侯不相敬下欲謀
上

填星犯東壁七

郝萌曰填星逆行東壁女主干治 春秋圖曰填星之

東壁民大煩 郝萌曰填星出入留舍東壁九十日不

下帝王且有起一曰有徙王一曰必有喪兵 石氏曰

填星守東壁遠國獻珍寶 巫咸曰民多疾 郝萌曰


填星守東壁為大人衛守又有土功之事又為天下兵

起一曰狄兵起又為多水一曰歲晚水一曰圖書興文

章進士用人主之廷天下大豐人民順 百二十占曰

填星守壁且有易市 聖洽符曰填星入壁而守之歲

大旱民多病萬物不成 甘氏曰填星逆行守東壁成
勾已其國必有大兵政之事六十日不下有立王 郝
萌曰填星逆行守東壁旱民多病萬物不成一曰女主
自恣



唐開元占經卷四十

欽定四庫全書

子部

唐開元占經卷四十一至四

詳校官中書_臣李采

靈臺郎_目倪廷梅覆勘

總校官編修_臣王燕緒

校對官庶吉士_臣滿魯起

謄錄監生_臣薛振基

欽定四庫全書

唐開元占經卷四十一

唐

瞿曇悉達 撰

填星占四

填星犯西方七宿

填星犯奎宿一

郝萌曰填星入奎以喪起兵一曰國有水事 海中占

曰填星潤澤出奎有善令其變色入奎有偽令來者若

出奎有偽令出使者 郝萌曰填星逆行奎女主為賊

若舍奎四夷皆服來朝中國 荊州占曰填星舍奎國

有德令 石氏曰填星出入留舍奎大水不通行 黃

帝占曰填星出奎女主攝政國有女喜若有女貴 郝

萌曰填星出奎兵起東方 荊州占曰填星出入留舍

奎其國大亂更為元年 黃帝占曰填星守奎有名者

死 石氏曰填星守奎天子戒在邊境不可遠將兵凶

郝萌曰填星宿奎地動 石氏曰填星守奎色黃黑

有土功之事 巫咸曰填星守奎有兵災萬物不成

荊州占曰填星守奎王者憂之一曰大人當之

填星犯婁二

海中占曰填星之婁五穀豐熟人民息天下安 填星

出入留舍婁天下且起兵一曰外國兵來入邊 陳卓

曰填星守婁有亡國者 石氏曰填星守婁天下國土

同心天子優賞賢士 郝萌曰填星守婁者皆為有白

衣之會一曰天子或在邊境不可遠將兵凶 荊州占

曰填星守婁逆不去有姦臣謀主 巫咸曰填星逆行
守婁三十日不下女主出入不時女主謁行若守之久
九十日不下有姦臣謀主 荊州占曰填星出入守婁
六十日不下用兵三年至十月小旱秋有兵禾稼不成
歲有小霜

填星犯胃三

石氏曰填星犯胃臣為亂 郝萌曰填星在胃陽女主
不用事居其陰女主死 又曰犯胃為天下穀無實以

食為憂 石氏曰填星之胃天下有德令當有封爵者

郝萌曰填星出入留舍胃九十日不下客軍大敗天

下小憂兵不用 填星舍胃開倉廩賜貧窮 石氏曰

填星守胃白帝金人將來獻騶驥一曰歲穀大貴動搖

有兵 填星守胃赤黃天子自將兵甲而出其國以亡

填星守胃天子無蓄積一曰有德令 巫咸曰填星

守胃多水災又為兵災萬物不成 玉歷曰填星逆行

守胃若成勾已天下有兵六十日不下士卒大飢軍大

敗九十日不下鄰國有暴兵來伐中國期不出年 巫
咸曰填星犯守胃天下倉有繕者當有殃罰

填星犯昴四

聖洽符曰填星入昴敵人為亂若其王死將軍出兵當
有流血兵起東北不出其年 郗萌曰土星入昴中地
動水溢宗廟壞 填星逆行昴女主飲食過度 石氏
曰填星守昴天下人民貧不得飽又為民多疾一曰多
火災為旱 甘氏曰皇后憂失勢王者以赦除咎 石

氏曰守昴有土功 巫咸曰填星守昴萬物五穀不成
石氏曰填星出入守昴外人多為亂一歲不下大將
出兵三年乃止守西北方百里流血 玉厯曰填星犯
守昴居其南男子多死居其北有女喪居其東六畜死
居其西兵起國有憂 郝萌曰填星中犯守昴天下有
福一曰土星居北為國家憂若北主死又曰兵北征於
狄一曰為白衣之會

填星犯畢五

黃帝占曰填星犯畢出其北陰國有憂 郗萌曰填星犯畢有兵謀期八十日若八月 巫咸曰填星入畢中伺其入日而數之期二十日為兵發伺始入處之率一日期十日為兵罷 郗萌曰填星入畢者為其國易王若入畢口中大人當之又曰地大動水溢 又曰入畢中為憂有兵若出奎入畢大亂若舍畢口諸侯夷滅一曰大人當之兵起一曰不戰 填星出入留舍畢中八十日不下兵起居野而不用客軍死之若守畢口君禦

守 石氏曰填星守畢人君為下所制赦令不行 甘

氏曰填星守畢邊有軍者降王侯受賀若有大戰

宋書天文

志曰晉安帝義熙六年九月丁丑填星犯畢九年三月林邑王范明達將萬餘人入寇九真太守杜慧度拒破

之朱齡

石滅蜀

巫咸曰填星守畢徭役賦歛煩衆卑者竭尊

者盈下惡其上強凌弱兵並起 郝萌曰土星逆行畢

女主數遊弋獵不當 陳卓曰填星守附耳兵起若將

相有憂若喪不即免退

填星犯觜觿六

石氏曰填星犯觜觿其國兵起天下動移 郝萌曰土

星守觜觿民人數亡 黃帝占曰填星入觜觿中有兵

郝萌曰填星入觜中伺其出日而數之期二十日兵

發伺始入處之率一日期十日兵罷 石氏曰填星守

觜國有叛者 巫咸曰有兵災為水萬物五穀不成

石氏曰民流不安去其國宅一曰君和同又曰西方客

動侵地君王崇禮以制義則國安 黃帝占曰土星犯

守觜國有土功事 甘氏曰土守觜天下安寧 巫咸

曰有兵災為水一曰為萬物不成五穀不盈 郝萌曰
女主喜怒不常土星逆行觜參 荊州占曰填星守觜
觜所出之宿其國亡地所入之宿其國得地

填星犯參七

石氏曰填星犯參國有叛者 郝萌曰填星逆行若留
止衡中者為兵草起 西官候曰填星舍參國有行城
郭兵備 郝萌曰土宿參伐高田賤下田貴 石氏曰
填星守參天下有大喪 填星犯守參大臣有出國使

者 又曰守參有赤星出參中邊有兵 甘氏曰填星
守參大人出使天下治城姦臣謀主有外兵 海中占
曰土星守參軍破國亡 郝萌曰填星守參若角動赤
黑色觸破參中央星臣子弑其君父 填星守參為后
夫人當之

欽定四庫全書

唐開元占經卷四十二

唐瞿曇悉達撰

填星占五

填星犯南方七宿

填星犯東井一

郝萌曰填星出東井兵起東北 黃帝占曰填星入東

井有賜爵祿事 石氏曰填星入東井大人憂

宋書天文志曰

在參又還犯之景元初年九月皇后毛氏崩三年正月

明帝崩

荊州占曰填星入東井天下無主 五行傳曰

填星當在觜參而去東井亡地

漢天文志曰景帝中元元年土星當在觜參而

居東井觜參梁分也後四年梁孝王死景帝以其子為王也

甘氏曰填星守東井

其歲五穀不登 石氏曰填星宿東井逆行女主齋戒

不謹敬若出入留舍東井三十日不下水且大出流殺

人 郝萌曰填星守東井民多疾 黃帝占曰填星守

東井為萬物不成久守之金錢易 黃帝占曰填星守

東井為水災或犯守在東井守其陽旱守其陰水若國
君受誅以其留守日占國 石氏曰填星守東井為旱
赤地千里不出九十日有赦 郝萌曰土星守東井為
土功事 甘氏曰填星守東井大壅水 石氏曰填星
出入留舍東井六十日不下兵起必有破國死王 填

星守井鉞大臣有誅斧鉞用若兵起

宋書天文志曰魏明帝青龍三年六

月丁未填星犯井鉞四年閏月乙巳復犯井鉞景初元年公孫淵叛司馬懿討滅之晉穆帝永和十年正月癸酉填星掩鉞星十二年十一月齊城陷執段龕殺三十餘人安帝義熙八年十二月癸卯填星犯井鉞九

年三月誅諸葛長民西虜正橫安定咸尅之

黃帝占曰填星入井鉞王者

惡之一曰大臣誅 郝萌曰填星犯鉞人君有戮死者

填星犯輿鬼二

甘氏曰填星犯輿鬼人君必有所戮 黃帝占曰填星

犯鬼鑕人君有戮死者 甘氏曰填星犯天尸皇后憂

失勢 黃帝占曰填星入輿鬼有兵 石氏曰填星入

輿鬼大臣有誅者 郝萌曰填星入輿鬼中央天下有

疫守西南星西南病守東南星東南病守東北星東北

病守西北星西北病 填星入鈇鑕王者惡之 荊州
占曰填星入輿鬼國有戮死者一曰戮王 南官候曰
填星入鬼王者戮大臣若將相若九親臣當之 司馬
彪天文志曰填星入輿鬼國有大喪 南官候曰填星
入輿鬼君謀其臣 黃帝占曰填星逆行犯輿鬼女主
用財奢淫過度若女主貴親有憂 郗萌曰填星舍輿
鬼中央赦 南官候曰填星出入留舍輿鬼五十日不
下必有大疾大旱棺木貴絲綿布亦貴 海中占曰填

星守輿鬼出其東水出其北旱 石氏曰填星守輿鬼

大人憂宗廟改一曰主死又為大人有祭祀之事 巫

咸曰填星守輿鬼後宮有憂若旱萬物不成有土功事

郝萌曰填星守輿鬼天下賜喜 石氏曰填星守輿

鬼色黃潤大人增地不則太子當之 郝萌曰填星守

輿鬼西南為秦漢有叛臣以赦令解之 百二十占曰

填星守輿鬼大人當之

宋書天文志曰晉安帝義熙十
年七月庚辰填星犯輿鬼遂守

之九月又犯鬼十四年高祖還彭城受宋公
明年安帝崩母弟瑯琊王踐祚是曰恭帝也 填星入

若守輿鬼為主憂財寶出亂臣在內若大臣誅有干鉞
乘鑽者君貴人憂金玉用民多疾南入為男北入為女
西入為老人東入為丁壯棺木倍價 荊州占曰填星
守天尸隨所守主者廢之不出七十日其天下國有大
喪陽為人君陰為皇后左為太子右為貴臣

填星犯柳三

甘氏曰填星犯柳若不以正道而入之其國有旱不則
有大災若逆行入之地大動名山崩 荊州占曰填星

入注貴人有喜 石氏曰填星犯柳有木功事若名木
見伐者若宿柳不旱即水 郝萌曰填星出入留舍柳
有急令丹青貴 石氏曰填星守柳天子戒飲食宮欲
殺主 甘氏曰填星守柳君臣和同天下道興 郝萌
曰填星守柳萬物五穀不成大飢民多疾疫一曰為叛
臣中兵也以德令解之 海中占曰填星守柳宮中大
亂以相驚若有土功事 郝萌曰填星守柳女主不敬
祭祀一曰多水災

填星犯七星四

甘氏曰填星入七星為人君有事置太子 填星出入
留舍七星其國五穀大貴守五十日不下有兵起倍海
國大敗 郝萌曰填星留七星者天下大憂憂中央

填星宿七星不入其道水一曰旱 黃帝占曰填星守
七星王道興天下治又曰大人有喜 郝萌曰填星守
七星人主出不還一曰有德令 石氏曰填星守七星
有遷王一曰有立后 郝萌曰填星守七星為叛臣中

兵也以德令解之 填星守七星人主出必不還必有
立后徙王一曰有赦若逆行七星女主衣服不法

填星犯張五

黃帝占曰填星入張天下大通去關梁宗室煌煌 郗
萌曰填星出張東舍二尺以上國失地 填星出張兵
起北方 巫咸曰填星在張天下安關梁通 石氏曰
填星留舍張陰陽不和民流千里魚鱉死陸道民憂
疾賊 郗萌曰填星出入留舍張兵甲盡出其秋冬仲

月土功事大起 甘氏曰填星守張天下大通去關梁
一曰天下和平宮女有大喜 郝萌曰填星守張有叛
臣中兵 巫咸曰填星守張三日其事微守之三十日
其事巨大國諸侯謀慮大臣伏法死 填星守張多盜
賊人民相惡兵並起 南官候曰填星守張兵大起一
曰有土功 石氏曰逆行張女主亂朝 郝萌曰女主
飲食過度

填星犯翼六

黃帝占曰填星逆行翼女主亂朝 填星在翼大臣誅

石氏曰填星守翼有叛臣中兵也若有土功事一曰

萬物不成 郝萌曰填星守翼有兵 甘氏曰填星守

翼王者承德君臣賢明六合同風天下和平禮樂大興

若守一年豐一曰女主有喜者 巫咸曰填星守翼多

水災五穀不成 南宮候曰填星守翼后夫人有喜

填星犯軫七

巫咸曰填星入軫中伺其出日而數之期二十日為兵

發伺始入處之率一日期十日軍罷 郝萌曰填星逆行軫女主持喪不謹 填星出入留舍軫六十日不下 必有大旱六月一日不出年河海盡空一日不出三年 必有大喪 石氏曰填星守軫中兵大起 甘氏曰填星守軫土功大起國有白衣之會必有亡地不出其年 荊州占曰填星守軫后有憂 齊伯曰填星入軫若守之兵大起有憂國河當竭天下大旱禾稼死傷人民 大飢期二年 石氏曰填星逆行軫女主貴親坐之

郝萌曰填星起左角逆行至軫其下國戰不勝

唐開元占經卷四十二

欽定四庫全書

唐開元占經卷四十三

唐 瞿曇悉達 撰

填星占六

填星犯石氏中官

填星犯大角一

海中占曰填星犯守大角臣謀主者有兵起人主憂王者戒慎左右期不出百八十日遠一年

填星犯梗河二

巫咸曰填星犯守梗河國有謀心四夷兵起來侵中國
邊境有憂

填星犯招搖三

聖洽符曰填星犯招搖兵大起敵人為寇若守之敵人
敗若其王死期不出二年 荊州占曰填星守招搖旗
幟廢不用

填星犯玄戈四

聖洽符曰填星犯守玄戈邊兵大起敵人為寇若守之
敵人敗若其王死期不出二年

填星犯天槍五

巫咸曰填星守天槍邊夷兵起機槍大用防戍有憂若誅
邊臣期不出年

填星犯天棓六

巫咸曰填星犯守天棓邊夷兵機槍大用防戍憂若誅
邊臣期不出年

填星犯女牀七

荊州占曰填星犯女牀凶 甘氏曰填星犯守女牀兵起宮中若后妃有暴誅者期百八十日遠一年

填星犯七公八

石氏曰填星犯七公羣公有疑議 黃帝占曰填星守七公為飢民君不安 石氏曰填星守七公輔臣相疑若有誅者人主有憂

填星犯貫索九

石氏曰填星入貫索中犯乘守者以獄為亂多不平

巫咸曰填星守犯貫索天下亂兵大起多獄事貴人有死者

填星犯天紀十

文曜鉤曰填星犯守天紀幸臣執權有兵起王者有憂
填星犯織女十一

黃帝占曰填星犯守織女天下有女憂有兵起不出其年
填星犯天市十二

石氏曰填星入天市將相凶糴大貴若女主有憂又曰
填星入天市中相不死使於皇道 郗萌曰填星入若
守天市糴大賤一曰大貴 又占曰填星入天市中王
宮有憂一曰赦 石氏曰填星守天市有訟事入市必
有戮主留百日失大將 又占曰填星逆行入天市驚
一曰將相凶

填星犯帝座十三

玄冥占曰填星犯帝座為臣謀主天下亂兵大起不出

年

填星犯候星十四

海中占曰填星守候星陰陽不和五穀傷人大飢有兵起

填星犯宦者十五

甘氏曰填星犯守宦者左右輔臣有誅戮者期不出年

填星犯宗正十六

石氏曰填星犯守宗正左右羣臣多死若更政令人主

有憂

填星犯宗人十七

石氏曰填星犯宗人親族貴人有憂若有死者一曰人主宗親有離絕者

填星犯宗星十八

甘氏曰填星犯守宗星宗室之臣有分離者

填星犯東西咸十九

石氏曰填星守犯東西咸為臣不從今有陰謀

填星犯天江二十

巫咸曰填星犯守天江天下有水若入之大水濟城郭
損民飢亡去其鄉

填星犯建星二十一

陳卓占曰填星犯建星大臣相譖 甘氏曰填星守建
星女主有謀兵起宮中女主有黜者期不出年中 海
中占曰填星守建星田宅大貴一曰在陽賤在陰貴

填星犯天弁二十二

甘氏曰填星犯天弁若守之則囚徒起兵一曰五穀不

成粟大貴民飢

填星犯河鼓二十三

海中占曰填星入河鼓大將有受賜地者期百八十日
遠一年 黃帝占曰填星中犯河鼓大將若左右將有
誅其犯守之為誅若有罪以五色占之

填星犯離珠二十四

石氏曰填星犯離珠宮中有事若有亂宮者若宮人有
罪黜者

填星犯匏瓜二十五

聖洽符曰填星犯守匏瓜天下有憂若有搶兵各菓貴
一曰魚鹽貴價十倍不出其年

填星犯天津二十六

郝萌曰填星犯天津關道絕不通有兵起若關吏有憂
若守有兵革黃帝占曰填星出天津中天下大水有
溢者若天下有急

填星犯騰蛇二十七

甘氏曰填星守騰蛇天子前驅凶若奸臣有謀前驅為害

填星犯王良二十八

石氏曰填星守王良為有兵 齊伯曰填星守犯王良
天下有兵諸侯相攻強臣謀主期不出年

填星犯閭道二十九

石氏曰填星犯守閭道而絕漢者為九州異政各主其
土天下有兵期二年

填星犯附路三十

石氏曰填星守附路大僕有罪若誅一曰馬多死道無乘馬者

填星犯天大將軍三十一

郝萌曰填星入天大將軍興軍者吉 石氏曰填星犯守天大將軍為大將困若有死者

填星犯大陵三十二

石氏曰填星入大陵國有大喪大臣有誅若戮死人民死者大半皆不出其年

填星犯卷舌三十四

石氏曰填星乘卷舌天下多喪 又占曰填星入守卷舌國有佞臣謀其君以口卷舌為人主有憂

填星犯五車三十五

石氏曰填星犯五車大旱若有喪一曰犯庫星兵起北方若西方犯倉星穀貴若有水 海中占曰填星入五車兵大起車騎行五穀不成天下民飢若軍絕糧 郝萌曰填星守天庫以喪起兵國中 又占曰填星舍五

車中央大旱又多蟲在燕代 又占曰填星舍五車東
北六畜蕃息繒帛大賤一曰天下多凶舍東南高田收
下田不收又萬民多疾無死者民反壽舍西南布若棺
槨並貴舍西北天下安寧 又占曰填星守昴東行至
天高復反五車為邊兵發有赦令

填星守天關三十六

石氏曰填星行天關中每至柳楊當去不去徘徊亂行
光色盛怒見其妖祥中國隔絕道路不通 郝萌曰填

星守天關貴人多死

巫咸曰填星守天關王者壅蔽

信使不達若關梁不通

郝萌曰填星行不從天關不

出其年有兵

填星犯南北河三十七

黃帝占曰填星乘南河戌若出南河南為中國 石氏

曰填星守南河蠻夷兵起邊城有憂若旱災人民飢

黃帝占曰填星行南河戌中若留止守之為旱一曰為

有疾在民 郝萌曰填星行南河戌中若留止守之為

有喪 黃帝占曰填星出北河戍北若乘之為 王死

郝萌曰填星出北河戍北若乘之為有女喪 又占

曰填星守北河戍西五穀無實 又占曰填星失度守

陰門若陽門皆為諸侯奸 玄冥占曰北主死天下大

水人民飢期不出二年之內 郝萌曰填星經南河戍

之南刑法峻暴誅伐不當經北河戍之北以女子金錢

貪色奢侈失治道期三年 又占曰填星守南北河戍

賜爵祿不出六十日有赦一曰有土功事 黃帝占曰

填星出北河戌間若留守北戌若居南河戌間若守南戌為天下有難起道路不通

填星犯五諸侯三十八

石氏曰填星犯五諸侯若守之兵大起將士出諸侯有死者 巫咸曰填星入五諸侯伺其出日而數之二十日兵發伺其入處之率一日期十日軍罷 石氏曰填星中犯乘守五諸侯兵死期三年 郝萌曰填星中犯乘守五諸侯為所中乘守者諸侯有殃期三年兵發

填星犯積水三十九

巫咸曰填星犯守積水其國有水災萬物不成魚鹽貴
一曰以水為敗糴大貴人民飢期二年

填星犯積薪四十

甘氏曰填星守積薪天下旱五穀不登人民飢亡

填星犯水位四十一

石氏曰填星守犯水位天下以水為害津關不通一曰
大水入城郭傷人民不出二年

填星犯軒轅四十二

黃帝占曰填星行軒轅中犯女主女主失勢

失勢者憂喪也

列

大夫有放逐者五官有治者色悴為憂為疾其所中犯

乘守者誅若有罪 石氏曰填星在軒轅中有以女子

謀人君者 又占曰填星守軒轅天下大赦 甘氏曰

填星守軒轅天下大亂後宮破散改政易王人主以赦

除咎期三年 黃帝占曰填星守犯女主女主當之中

犯女主女主憂 巫咸曰填星行犯守軒轅女主失政

若失賊一曰大臣當之若有黜者期二年

宋書天文志曰晉穆帝升

平二年十二月辛卯填星犯軒轅大星三年十月豫州刺史謝萬入朝衆潰而歸除名為民十一月司徒會稽王以二鎮敗求自貶三等也

石氏曰填星中犯乘守軒轅大明星大

飢大流太后宗有誅者若有罪中犯乘守少明星小飢小流
皇后宗有誅者若有罪 石氏曰填星入軒轅中犯乘
守之有逆賊若火災

填星犯少微四十三

石氏曰填星入少微君當求賢佐不求賢佐則失威奪

勢矣 石氏曰填星犯守少微名士有憂王者任用小人忠臣被害有死者 黃帝占曰填星入中犯乘守少微為宰相易又曰為女主有憂 石氏曰填星入中犯乘守少微為五官亂宰相有憂

填星犯太微四十四

陳卓曰填星犯太微女主持政大夫執綱 荊州占曰填星入太微軌道吉軌道者入西門出東門若左右掖門行不留也不軌道者謂有所犯守也 石氏曰填星

出東掖門為相受命東南出德事也出西掖門為將受
命西南出刑事也期以春夏 荊州占曰填星入太微
宮皆為天子大驚一曰有兵又曰入天庭不安 黃帝
占曰填星入天庭色白潤澤為期百八十日有赦 荆
州占曰填星道西番入留止南門者皆為大臣有憂
石氏曰填星入太微中華東西門若左右掖門而南出
端門者為有大臣叛 郝萌曰填星入太微有德令
石氏曰填星入西門出東門皆為人君不安欲求賢佐

入中華西門出中華門間為臣出令入太陰西門出太陰東門皆為天下大亂有喪若大水 春秋緯合誠圖

曰填星入中華闕門者為臣弑主之候 黃帝占曰填

星東行入太微廷出東門天下有兵急若守將相丞御

史大臣有死者若入端門守廷大禍至入南門出東門

國大旱若入南門南行出西門國有大水逆行入東門

出西門大國破亡若順入西蕃而留不去楚國凶殃

郝萌曰填星入西門犯天庭出端門皆為大臣伐主入

西門西折出右掖門皆為大臣假主之威而不從主命
石氏曰填星逆行太微之中及出門左右掖門者有
逆謀天子有命將征伐之事一曰大赦可以解其患也
郝萌曰填星當左右執法為受事守太微門三日已
下為受制三日以上為兵為賊為亂為飢 荊州占曰
填星中犯左右執法執法者誅若有罪 荊州占曰填
星入太微從右入七日以上皆為人主憂 巫咸曰填
星逆行入太微天庭中為大臣有誅若諸侯戮死期二

年 郝萌曰填星入西華門出端門皆為臣詐稱詔

石氏曰填星入太微廷所中犯乘守者皆為天子所誅

若有罪 石氏曰填星守太微宮必有破國易世改王

案宋書天

文志曰晉安帝義熙十四年八月癸酉填星入太微中犯右執法因留太微積二百餘日乃去是年高祖受宋公恭帝元年七月受宋王二年三月庚午填星犯太微六月晉帝遜位高祖入宮

荊州占曰

填星有留太微廷中皆為天下大憂中央留十日以上

皆為天下有亡徒為兵者 黃帝占曰填星干太微留

守三十日以上必為有革天下大赦 郝萌曰填星逆

行入左掖門皆為臣劫其主又入東門至黃帝座出西門皆為臣欲弑主不成 陳卓曰填星逆行執法四輔若還繞守之所守者有憂若死亡近期一年遠期五年

填星犯黃帝座四十五

石氏曰填星犯黃帝座改政易王天下亂存亡半期三年 石氏曰填星入太微干黃帝座其女主執政用威勢 荊州占曰填星入黃帝座其色白者為有赦 又

占曰填星觸黃帝座星賊死 黃帝占曰填星守黃帝

座為人主憂 荊州占曰填星逆行入太微天廷中者
為諸侯將有弑主者至黃帝座而成不至黃帝座而還
有謀不成以其入日占國 雜書摘亡辟曰填星逆守
黃帝座亡君之戒

填星犯四帝座四十六

石氏曰填星犯守四帝座臣謀主去之一尺事不成
又占曰填星中犯乘守四帝座辟憂 甘氏曰填星中
犯乘守四帝座天下亡

填星犯屏星四十七

甘氏曰填星犯守屏星君臣失禮謀上一曰大臣有戮死者石氏曰填星中犯乘守屏星為君臣失禮而輔臣有誅者若免罷去

填星犯郎位四十八

甘氏曰填星犯守郎位輔臣有謀左右宿衛者為亂王者宜備之

填星犯郎將四十九

巫咸曰填星犯守郎將者命曰凌凌則將有誅若將憂
一曰大臣為亂戒慎左右 荊州占曰填星中犯乘守
郎將必有不還之使

填星犯常陳五十

甘氏曰填星犯守常陳守衛有謀近起宮中天子自出
行誅期百八十日遠一年

填星犯三台五十一

玉歷曰填星入犯上台司命近臣有罪若有誅一曰近

臣有逃走者以五色占黃白無咎青黑憂死喪期一年
巫咸曰填星犯守下台司祿近臣有罪若出走色黑
者死

填星犯相星五十二

石氏曰填星犯相星輔臣凶

填星犯太陽守五十三

甘氏曰填星守犯太陽守大臣戮死若有誅期不出年

填星犯天牢五十四

海中占曰填星犯天牢王者以獄為弊貴人多有繫者

填星犯文昌五十五

石氏曰填星入文昌天下兵起其臣不安若有走主
荊州占曰填星入文昌國安

填星犯北斗五十六

郝萌曰填星入守北斗中貴人繫

填星犯紫宮五十七

巫咸曰填星守紫宮民莫處其室宅流移亡其鄉又

占曰填星入紫宮王者益地天下有喜一曰主敬妃后
又占曰填星入紫宮中若守之女主用事誅大臣期
六十日有赦

填星犯北極五十八

甄曜度曰填星乘守中犯北極主星有大喪若犯妃后
星女主有殃一曰大人當之 黃帝占曰填星犯守鉤
陳後宮亂兵起宮中幸臣王者憂

填星犯天一五十九

石氏曰填星犯天一幸臣有謀有兵起人主憂

填星犯太一六十

石氏曰填星守太一幸臣有謀兵起人主憂

唐開元占經卷四十三

欽定四庫全書

唐開元占經卷四十四

唐 瞿曇悉達 撰

填星占七

填星犯石氏外官一

填星犯庫樓一

郝萌曰填星入庫樓兵出 又占曰填星入天庫以舉
兵大吉

填星犯南門二

石氏曰填星犯守南門邊兵起若道路不通

填星犯平星三

石氏曰填星犯平星凶 甘氏曰填星犯平星執政臣憂若有罪誅者期一年

填星犯騎官四

甘氏曰填星犯守騎官有兵起馬多發若多死

填星犯積卒五

石氏曰填星入積卒若守之兵大起士卒大行若多死期二年

填星犯龜星六

海中占曰填星犯守龜星天下有水旱之災守陽則旱守陰則水

填星犯傳說七

石氏曰填星犯守傳說王者宗廟廢五祀後宮凶一曰有絕嗣君期不出二年

填星犯魚星八

石氏曰填星犯守魚星凶 甘氏曰填星守魚星之陽
為大旱魚行人道守陰為大水魚鹽貴

填星犯杵星九

海中占曰填星入杵星若守之天下有急發米之事不
出其年

填星犯鼈星十

黃帝占曰填星守鼈星為有白衣之會 巫咸曰填星

守鼃星國有水旱之災守陽則旱守陰則水

填星犯九坎十一

石氏曰填星守九坎天下旱河水不流五穀不登人民大飢一曰之陽大旱之陰有水

填星犯敗臼十二

郝萌曰填星守敗臼民不安其室憂失其釜甌若流移去其鄉

填星犯羽林十三

郝萌曰填星入羽林為叛臣中兵也 海中占曰填星
入守羽林有兵起若逆行變色成勾已天下大兵關梁
不通不出其年 石氏曰填星入天軍以喪兵起 郝
萌曰填星犯守天軍為兵起有破軍死將

填星犯北落師門十四

石氏曰填星守北落師門為兵起 又占曰填星與北
落師門相貫抵觸光芒相及有兵大戰破軍殺將伏尸
流血不可當也期百八十日若一年

填星犯土司空十五

海中占曰填星守土司空其國以土起兵若有土功之事天下旱

填星犯天倉十六

黃帝占曰填星入天倉戶中主財寶出君憂臣在內天下有兵而倉庫之戶俱開主人勝客事不成期二十日中而發 荊州占曰填星守天倉天下飢粟出

填星犯天囷十七

石氏曰填星入天困天下兵起困倉儲積之物皆發用
一曰御物多有出者庫倉空期二年

填星犯天廩十八

石氏曰填星守天廩天下大亂 又占曰填星入守天
廩天下有兵歲大飢倉粟散不出其年 又占曰填星
犯守天廩天下亂粟散不出年

填星犯天苑十九

石氏曰填星入守天苑牛羊禽獸多疾疫若守之二十

日天下兵起馬多死其國憂

填星犯參旗二十

海中占曰填星守參旗兵大起弓弩用士將出行一曰
弓矢貴

填星犯玉井二十一

黃帝占曰填星入玉井強國失地其出之強國得地
巫咸曰填星入玉井國有水憂若以水為敗水物不成
期不出年

填星犯屏星二十二

甘氏曰填星入屏諸侯有謀若大臣有戰死者一為疫

填星犯廁星二十三

黃帝占曰填星守天廁為大臣有戮

填星犯軍市二十四

石氏曰填星入守軍市兵大起將軍出若以飢兵起

填星犯野雞二十五

甘氏曰填星入軍市犯守野雞其國必有死將軍營

敗兵士散走

填星犯狼星二十六

石氏曰填星守狼星野獸死 荊州占曰填星守犯狼
星大將出行其國有兵一曰有死將

填星犯甘氏中官二

填星犯四輔一

荊州占曰填星犯乘守四輔星君臣失禮輔臣有誅者

填星犯酒旗二

荊州占曰填星守酒旗天下大酺有酒肉財物賜若爵
宗室

填星犯天高三

荊州占曰填星守天高有大赦

填星犯天潢四

黃帝占曰填星入天潢兵起運道不通 黃帝占曰填
星入天潢為天下大亂易政一曰貴人死 巫咸曰填
星出入天潢中大亂大旱民死不葬改世易主以所入

占四方中央 郝萌曰填星失度留潢中為人主以水
為害若以井為害以入日占其國 黃帝占曰填星中
犯乘守天潢期二十日兵起

填星犯咸池五

甘氏曰填星入咸池有兵喪天子且以火為敗失忠臣
若旱一曰大水道不通貴人死以入日占國 郝萌曰
填星入咸池女子為亂若迷惑人主者

填星犯天街六

郝萌曰填星當天街為諸侯自立為王一日大水石氏曰填星犯天街徘徊亂行主弱臣強道路隔令不行不出其年有兵又占曰填星留止若逆行天街中者皆為兵草起

填星犯甘氏外官三

填星犯鈇鑕一

荊州占曰填星犯鈇鑕五日以上臣有謀者郝萌曰填星乘守鈇鑕為鈇鑕用一曰將有憂

填星犯芻藁二

黃帝占曰填星入芻藁中主財寶出憂臣在內

填星犯軍井三

郝萌曰填星入軍井三日以上其歲大水國多土功

填星犯水府四

郝萌曰填星守水府天下洪水

填星犯天廟五

黃帝占曰填星入天廟若守為廟有事一曰為凶憂

荊州占曰填星入天廟若守有廟殘之事不去則死

填星犯巫咸中外官四

填星犯土司空一

荊州占曰填星守土司空有土徭之事

填星犯鍵閉二

郝萌曰填星犯守鍵閉星大臣有誤天子不尊事天者天子

不宜出宮下殿有匿兵於宗廟中者

案宋書天文志曰魏齊王正始九年

七月癸丑填星犯鍵閉明年車駕謁陵司馬懿奏誅曹爽等天子野宿是其失勢之驗也

填星犯天淵三

荊州占曰填星守天淵海水出江海決溢若海魚出

填星犯鈇鑕四

荊州占曰填星犯鈇鑕誅諸侯 黃帝占曰填星入鈇

鑕為大臣誅 荊州占曰填星犯守鈇鑕兵起

填星犯天廐五

荊州占曰填星入天廐十日以上廐馬有食變 黃帝

占曰填星守天廐為有災事天子以馬為憂不即馬疾



唐開元占經卷四十四

欽定四庫全書

子部

唐開元占經卷四十五至八

詳校官中書_臣李采

靈臺郎_臣倪廷梅覆勘

總校官編修_臣王燕緒

校對官庶吉士_臣潘曾起

謄錄監生_臣薛振基

欽定四庫全書

唐開元占經卷四十五

唐 瞿曇悉達 撰

太白占一

太白名主一

石氏曰太白者大而能白故曰太白一曰殷星一曰大
正一曰營星一曰明星一曰觀星一曰大衣一曰大威
一曰太皞一曰終星一曰大相一曰大器一曰爽星一

曰太皓一曰序星上公之神出東方為明星 荊州占
曰出東方為啟明 郭璞曰太白晨見東方為啟明
爾雅曰明星謂之啟明 詩曰東有啟明西有長庚
鄭玄曰日既入謂明星為長庚 荊州占曰太白出東
北為觀星出東方若東南為明星出西方為太白也
吳龔天官星占曰太一位在西方白帝之子大將之象
一名天相一名大臣一名太皓 石氏曰太白血主
西維主金主兵於日主庚辛主殺殺失者罰出太白太

白之失行是失秋政者也以其舍命國 甘氏曰太白
主大將主秦鄭 巫咸曰太白金草誅伐正刑法
五行傳曰太白者西方金精也於五常為義舉動得宜
於五事為言號令民從義虧言失逆秋令則太白為變
動為兵為殺 班固天文志曰逆秋令傷金氣罰見太
白 石氏曰太白司兵喪奸凶不時禁不祥或出東方
或出西方 荊州占曰太白出東方色黃而明旱黃而
不明此常色也 太白出西方其高而色正白旱若色

青白此其正色也即變其常以五色占

太白行度二

洪範傳曰太白以上元甲子歲十一月甲子朔旦冬至夜半甲子時與日月五星俱起於牛前五度順行二十

八宿右遊一歲而周天

案歷法太白一終凡五百八十三日一千三百四十分日之一

千二百二十九奇九星行過一周天二百一十八度一千二百一十九奇是二百六十七年而百六十七終也

星平行日行一度一周天也

石氏曰太白出東方高三舍命曰明

星柔上又高三舍命曰大囂剛其出東方也行星九舍

為百二十三日而反反又百二十日行星九舍入又伏
行百二十三日行星十二舍昏出西方也高三舍命曰
太白柔上又三舍命曰大囂剛其出西方也行星九舍
為百二十三日而反反又百二十日行星九舍而入
又伏行星二舍為日十五日晨東方出營室八角出角
入畢出畢入箕出箕入柳出柳入營室其出西方也出
營室八角盡如出東方之數 甘氏曰太白以攝提格
之歲正月與營室晨出於東方亢氐出東方為日八歲

二百二十二日而復與營室晨出於東方太白之居左也其恒二百三十日其遲也二百四十日其居右也順行二百四十日其速二百三十日從左過右也其又百三十日其速九十日而見從右過左也其又三十日其速十日而見從右適左其又三十日其速十日而見荆州占曰太白凡見東方二百三十日而伏不見四十六日名少罰太白與歲星為雄雌出於東方西方高三舍為太白柔又高三舍為太白剛用兵象也剛則入地

深吉淺凶柔則入地淺吉深凶 石氏曰太白出百二十日乃極乃極退也未滿此日便至極疾也東方以辰巳為極西方以申未為極 太白出以辰戌入以丑未出入必以風太白當期而出其國昌 荊州占曰太白出入如度天下昌 石氏曰太白出則出兵入則入兵戰則有勝用兵象太白吉反之凶 荊州占曰太白已入而未出先起兵者國破亡禍及一世 石氏曰太白兵象也行疾用兵疾吉遲凶行遲用兵遲吉疾凶 太

白行疾前用兵者善行遲後用兵者善太白所居久其鄉利所居易其鄉凶 太白出高用兵深吉淺凶出卑淺吉深凶 荊州占曰太白之出西方也在西南則為楚在西北則為秦齊燕 石氏曰太白出西方出酉秦勝楚出申楚勝秦 荊州占曰太白出入西方其國伐宋勝韓韓勝趙趙勝魏 石氏曰太白伏外有軍則罷將起兵則止國勿攻戰 太白進退主候兵 荊州占曰太白所抵之國凶 石氏曰太白不見不宜出軍若

有客來挑軍可應先動破軍殺將必有積尸 太白出
所直之辰從其色而角勝其色害者敗 太白所直之
辰其直之者國為得位得位者戰勝 太白出東方也
為德舉事左之近之吉右之背之凶 太白出西方也
為刑舉事右之背之吉左之近之凶 太白入東方未
出西方其六十五日為陽其六十五日為陰以此時出
兵雖勝有殃得地必復歸之陽為中國陰為負海國
巫咸曰太白受制則脩城郭繕藩垣審羣禁節兵甲敬

百官誅不法 太白入西方未出東方其十五日為陽
其十五日為陰名曰行天命以此時出兵其國亡 荆
州占曰太白出西方常出申酉之間失行而北走是謂
反坐有破軍有屠城在北方 天官書曰太白出卯南
南方勝北方出卯北北方勝南方正在卯東國勝出酉
北北方勝南方出酉南方勝北方正在酉西國勝
荆州占曰太白遠日為兵深其將強近日為兵淺其將
弱 太白伏也出兵有殃 魏武帝兵法曰太白已出

高賊深入入境可擊必勝去勿追雖見其利必有後害

荊州占曰太白以仲冬出東方若西方以伐利 太

白始出東南維在日月之陽陽國之將傷在其陰利始
出東北維在日月之陰陰國凶在陽吉 出西南維在

日月之陽陽國凶在其陰吉 出西北維在日月之陰

陰國之將傷在其陽利 又曰出日北維匈奴有兵相

攻 荊州占曰太白出西方上行不至未而反陰國強

陽國敗戰不勝 太白出見西方上至未將橫行大強

脩四方 又曰出西方上至未有霸一曰陰國霸 太
白出西方上不得過申至之地大臣有憂一曰將奪君位
南至未丁之地大將有憂羣臣獄人主治獄 太白
始出東方西方之國不可以舉兵 始出西方東方之
國不可以舉兵破軍殺將其國大破敗 辰星不出太
白獨出東方有德令獨出西方正在酉西方兵起不戰
獨出戌敵兵起不戰 太白入東方未出西方西方北
方以舉兵身死國亡 太白入西方未出東方東方南

方以舉兵雖勝得地復歸之主不血食殃及三世將死
凡出軍在外必視太白太白西與之西東與之東短
與之短長與之長陰與之陰陽與之陽翕與之翕張與
之張善馴其道以戰大勝當前戰者軍破將死 太白
在陽陽國利其以陽時出於陽重利在行不失中國勝
太白在陰陰國利其以陰時出於陰重利

太白王相休囚死三

荊州占曰太白之相也從季夏至夏盡及四季王時其

色黃白精明無芒 太白之王也從立秋至秋之盡其
色比狼星而光明仲秋之時有芒角 太白之休也從
立冬以至冬之盡其色不精明而無光 太白之囚也
從立春以至春之盡其色青黃而無光明 太白之死
也從立夏以至夏之盡其色赤黑細小而不明 甘氏
曰當其相也而有王色主弱將強有休色將不兵有囚
色將誅不成有死色將誅傷所留之舍其國兵其進舍
也是趣兵其退舍也兵出不成 當其王也而有相色

主弱將權勢縱橫天下有謀專行君事有四色所四者
有罷徒之令有死色大將死不葬所留之舍其國兵起
其進舍也其下之國兵歸之其退舍也兵弱不用 當
其休也而有王色野多賊兵有相色野多兵入人民亂
未央有四色攻牢墓囚人勢橫有死色從軍死不葬其
所守之舍有逐將死王其進舍也武吏縱橫文吏為虎
狼天下大赦 當其囚也而有王色大將反成有相色
下犯其上有休色野多暴兵盜賊並起有死色妖言多

不祥所留之舍不可舉事用兵其進舍也歲多電霜萬物不成其退舍也秋冬無霜雪當其死也而有王色流水湯湯有相色野火煌煌有休色金幣不行有囚色國多虎狼其留守也野獸食人其進舍也白刃鏘鏘其退舍也兵不成行

太白光色芒角四

荊州占曰秋三月太白出西方色當白而不白逆行必有金石之妖且見隕星墜為石石之所下寇至其野凶山

崩地裂出水無火而金自燔天雨血高臺自壓見此二者國有大喪及為祠蓐收西海之神命及為役命兵令勤事試車馬警邊境脩邊地 甘氏曰候太白以秋

庚辛此王氣色當如其常色變則失所也 石氏曰太

白赤比心黃比參右肩蒼比參左肩黑比天豕之右目

荊州占曰太白赤比心白比狼星織女星黃比左角

班固天文志曰黃比參左肩青比參右肩黑比右角

天官書曰黑奎大星也此太白之常色也一書云青

比左角也 石氏曰太白色猛赤次白而蒼若悴而不
光是謂失色雖得地位擊之必克其大而圓黃而澤可
以為好事其圓大怒而赤天下兵降而不戰 太白色
白圓明潤吉黃圓和黑圓憂青圓小憂 荊州占曰太
白青圓為水 巫咸曰太白赤東西南北行非常色此
有謀國兵起 太白失色國失兵將亡 太白光明見
影歲熟戰勝 海中占曰太白光明見影戰當太白者
將軍增爵主增壽 郝萌曰太白當效而出色黃為土

中央利有土功事有軍一曰有德令其國利 太白光
如張蓋所在之國有立王揚光見影歲大熟 太白色
圓而悴期不出六十日有大喪 太白色黃黑軍在外
者罷有謀者以雨厭之 荊州占曰太白始出色黃其
國吉赤有兵而不傷其國色白歲熟色黑有水 太白
始生未可擊色隆未可擊色衰未可擊色死急擊勿置
不急擊客將為主人 太白其狀炎然而上則有兵大
起下則有天狗所下其野流血出無時則易其政 太

白色正蒼有兵青有憂 太白色蒼黑期六十日有水
若喪黑多為水蒼黑等水兵並起 太白蒼白而靜天
下厭兵 太白色蒼白期不出六十日中有喪若憂

太白始出色白其國歲熟又曰秦利 太白色黑芒澤
有子孫喜立王 太白色赤白而潤有喜 太白始出
色黃其國吉黃白和同色赤來年有兵戰勝又曰楚利
又曰始出色赤而淳得地 巫咸曰太白色黑秋水尚
可春破師 海中占曰太白色赤淳得食白淳有喜蒼

憂蒼黑為死 荊州占曰太白色白而無角將不勝

巫咸曰太白色黃有角其國疫又色白旱 荊州占曰

太白色黑燕利 甘氏占曰太白色白五芒出早為月

食晚為彗星及天矢將發於無道之國 郝萌曰太白

常形行則垂芒上銳下大色如常止 荊州曰太白蒼

芒有喪憂 甘氏曰太白獨行赤則武也可以戰白而

芒則文也不可以戰若行疾者武也不行者文也 海

中占曰太白十二芒鉤不可以戰 京氏曰尚書微則

太白垂芒 荊州曰太白見一芒兵起不用見二芒戰
攻見三芒天下皆兵起見四芒諸侯死境見五芒天下
更制王國一曰立邦 太白十芒皆鈞不戰而受地

太白所在之鄉視芒而日增長如行過維此大人之氣
也不可備 石氏曰太白青角有木事黑角有水事

白角有喪赤角有戰 石氏曰太白赤角用兵敢戰吉

不敢戰凶順角所指擊之吉逆之凶 荊州占曰太白

大王光有角將暴虐為民賊所往者民苦之所去者民

不治 巫咸曰太白赤而有角將勝赤而無角將不勝

荊州占曰太白四角者赦 海中占曰太白有五角

立將帥六角有取國地七角伐王 荊州曰太白過宿

有角長取地長角短取地短 太白過宿有角外指其

國得地內指其國失地期一年 太白居實有德居虛

無德行勝色

晉灼曰太白行得度勝有色也

色勝位有位勝無位有色

勝無色行得盡勝之

晉灼曰行應天度雖有色得位行盡勝之行重而色位輕星經得字

德作出於辰之南鄭得位行不失勝行失敗色黃而赤大

而角勝蒼小敗出於辰卯間宋得位行不失勝行失敗
色黃而赤大而角勝黑小敗出於寅卯間衛得位行不
失勝行失敗色黃大而角勝蒼小敗出於寅之北趙得
位行不失勝行失敗色黃而華大而角勝蒼小敗出于
午未間吳越得位行不失勝行失敗色蒼廉赤大而角
勝黃小不勝廉亦敗出於申之南楚得位行不失勝行
失敗色赤大而角勝赤小敗出於申酉間漢得位行不
失勝行失敗色大而角勝赤小敗出於酉戌間齊得位

行不失勝行失敗色蒼大而角勝白小敗出於戌之北
燕得位行不失勝行失敗色黑大而角勝黃小敗 班

固天文志曰太白所直之辰其國為得位得位者戰勝

所有之辰順其色白角者勝其色害者敗

晉灼曰鄭色黃而赤蒼小

敗宋色黃而赤黑小敗楚色赤黑
小敗燕色黑黃小敗皆大角勝

荊州占曰太白之

色赤也將者勝其白無角不勝其剛也破軍殺將其柔
也勝不殺將太白赤而角者武也戰不戰凶 太白之
色赤澤而有角命曰大旗旗長取地長旗短取地短

文曜鉤曰太白青角棺槨貴 荊州占曰太白黃而角
有土功色白而角文不可以戰一曰哭泣之聲色黑而
角大水有兵在外戰吉不戰凶 元命包曰太白高下
進退應兵名舒疾左右角曜兵官驚慎武將斥武臣

唐開元占經卷四十五

欽定四庫全書

唐開元占經卷四十六

唐 瞿曇悉達 撰

太白占二

太白盈縮失行一

石氏曰日方南太白居其南日方北太白居其北曰盈
侯王不寧用兵進吉退凶日方南太白居其北日方北
太白居其南曰縮侯王憂用兵退吉進凶遲吉疾凶

日方

南謂夏至後也日方北謂冬至後也

元命包曰太白羸則將相謀太白

縮則后族患圓而不行我侍為君 荊州占曰太白出

於巳殺大將出於未陽國傷 春秋緯文耀鉤曰太白

躍沉浮主代提天下更紀世有名師

宋均曰主德不一則攝提代移更紀

授有今名能為天下師表者也

荊州占曰太白見東方上至巳皆更

政出西方順行過巳不及午有霸國及午陰國今天下

案班固天文志曰三年秋太白出西方有光幾中乍北乍南過期乃入是時項羽為楚王而漢已定三秦與相距滎陽幾中是秦地戰將勝而漢國將興也晉灼注曰幾中近踰未地也

郝萌曰太白出

戊辰未是謂犯地行刑絕天維國大小暴兵將多傷

荊州占曰太白行小失道其將為奸行大失道其將為

大奸其國將坐之逆行尤甚 石氏曰其國失殺秋政

則太白失行 巫咸曰太白出西方失道有過八月不

盡九月至一日期三月 又占曰太白失行而南是謂

金火有兵兵罷不出三年國有男喪若有兵

魏武帝兵法曰

不有破軍必有屠城北國當之

荊州占曰太白失行而北金入水災

大兵起

案宋書天文志曰晉惠帝光熙元年四月太白失行自翼入尾箕占曰太白失行而北是謂反

生不有破軍必有屠城五月汲桑攻鄴魏郡太守馮嵩
出戰大敗桑遂害東燕王騰殺萬餘人焚燒魏時官室
皆盡也

荊州占曰太白出至其國之日而獨不見其兵
弱若有此可擊必能得其將 荊州占曰太白出東方
失行而北中國敗失行而南倍海國敗 石氏曰太白
出西方失行倍海之國敗天文志曰夷狄敗其出東方
失行中國敗 荊州占曰太白有不見三日有亡國敗
師 又占曰太白一南一北九侯皆伏 又占曰太白
一東一西害於侯王

謂有免侯王也

又占曰太白在東方以

始出為位在月南為得行在月北為失行不有破軍必
有屠城與月相過失行月不盡一日二月二日三月三
日四月四日五月五日六月六日七月七日八月八日
九月九日而兵起 荊州占曰太白出西方下行一舍
如下北兵將當有戮者 郝萌曰太白出東方若西方
過營室強國君有興者不及營室而反還入強國有敗
者 海中占曰主好聽讒廢直大臣女子為政刑法誅
殺不以道理則太白逆行天鳴地坼歲多暴風大水庶

民負子而逃孕多死麥豆不收 劉向洪範曰好戰功
輕百姓飾城郭侵邊境是謂不艾厥極憂時生蟲則太
白變色逆行 郝萌曰太白逆行變色簡宗廟廢禱祀
去祭祀逆天行 荊州占曰太白逆行失常有兵革
又占曰王者失於秋政則太白逆行變色揚芒與他星
舍鬬環繞犯乘變為妖星彗掃其害庭國破主死天下
皆兵王者修德赦罪存孤恤寡薄賦省徭可得無咎
荊州占曰太白始出逆行不可以逆戰大凶敗亡 荆

州占曰太白出東方逆行不至已而返陽國強陰國敗
戰不勝一曰陽國有興者 荊州占曰太白東方逆行
過已不至午有霸國及午陽國令天下一曰陽國霸

石氏曰太白出西方逆行至四正西方之國吉出東方
逆行至四正東方之國吉 文曜鉤曰太白當出不出

陰匿留主沉湎大臣有謀 石氏曰太白當出不出當

入不入是謂失舍不有破軍必有死王亡國

案天官書曰必有國

君之墓又宋書天文志曰晉武帝咸寧四年九月太白
當見不見是時羊祜表請伐吳上許之五年十一月兵

出太白始夕見西方太康元年三月大破吳軍孫皓面縛請死吳國遂亡應之

荊州占曰太

白未當入而入天下聚糧 石氏曰太白當出而不出

當入而不入天下偃兵兵在外而入

荊州曰有軍則罷

文曜

鈞曰太白不當出而出主躁臣熾軍破主死兵馬滋

荊州占曰太白當出而出外有急兵出南方南方急出

北方北方急 石氏曰太白出東方為東方入為北方

出西方為西方入為南方又曰所居久其國利 荊州

占曰居宿如度其鄉利易其鄉凶

蘇林注漢書天文志曰疾過也一說易鄉

而出入晉灼曰上言
易而出易言疾過是

甘氏曰太白政緩則不出急則

不入逆則凶 又占曰太白未及其時而出不及其時

而入天下舉兵所當國亡以時出而不出時未入而入

天下偃兵野有兵者所當之國大凶 巫咸曰太白可

出不出國且有謀可入不入國有置兵當入不入過二

十日天下有兵事 又占曰太白可入不入國且置侯

未可入而入野有寇 又占曰太白出西方黃昏而出

陰國之兵強 天官書曰太白暮食而出小弱夜半而

出中弱雞鳴而出大弱是陰陷於陽 巫咸曰太白在東方平旦而出東方南方以舉兵天下不能當平明而出東方陽國之兵強雞鳴而出其國大弱黃昏而出中弱是謂陽陷於陰 石氏曰太白未當出而出當入而不入天下起兵有破國 巫咸曰太白未當出東方而出東方色黃白名曰重華吏民謹譁事擾不治民不得耕織或騷動不得食使之無然聽訟得其理則止非重華色而重華人民作為不祥 巫咸曰太白未可下而

下東方色黃而不明名曰少歲少歲亂行人民驚惶於
野若牧牛羊使之不然斷執死罪以下釋之如此則止
非少歲色而少歲其歲飢百鬼不享 巫咸曰太白未
可出西方而出西方色白者名曰太白有聚卒使之不
然止工作無聚衆縱市三旬以當有卒聚如此則止非
太白色而太白有兵 巫咸曰太白未可出而出國且
有謀過二十日天下有兵事 巫咸曰太白未可下而
下西方色青白名曰白肖白肖亂行且有甲兵搶攘民

惶惶徭役以行百神不享使之無然死人於市者勿葬
吏民三月帶劔佩刀操兵以當有兵如此則止非白肖
色而白肖有喪 海中占曰太白出不上不下留桑榆

門

晉灼曰行遲而下也

病其下國

巫咸曰兵其下國

班固天文志曰太

白上而疾未盡期日過參天

晉灼曰參天者三分天過其一此戌酉之間也

病

其對國

荊州占曰太白出王羸百六十日而上過參

天主尊令行民治無盜賊少徭賦 荊州占曰太白出

上百六十日不能參天主卑令不行民亂多盜賊倍徭

賦 又占曰太白未滿日參天其國亡 又占曰太白

以其時出陽四十日不動先起兵者不利 甘氏曰邦

將亂謀太白往守之 荊州占曰太白夕出西方其旦

昏當午道無行人其下之國兵起不利期六月 荊州

占曰太白夕出西方其昏正月而還有失地之君期九

十日 石氏曰太白已出三日而復微入三日乃復盛

出是謂孺而伏其下之國有軍其衆敗其將死 石氏

曰太白入三日而復微出三日乃復盛入其下國有憂

其師有糧遺人食有兵草遺人用之士卒雖衆將軍為

人所虜

班固天文志云其下之國憂師師雖衆敵人食其糧用其兵虜其帥

文曜鈞曰

太白已八三日復出師憂將慮主大遇

宋均曰大遇如衛卜追敵師有

夫出征而喪其雄遇獲敵將也遇或為愚

荊州占曰太白已出三日而復

入

天文志曰復微也

八三日而復出

天文志曰復盛也

是謂逆伏其下

之國有敗軍死將不出其年今日入明日出其君死之

荊州占曰太白出西方三日而反入其將軍虜石

氏曰太白入七日復出相死八十日復出將軍戰死入

又復出人君死 荊州占曰太白不滿其日數入入而
復出入一日十日而兵死入五日五十日而兵死八十
日百日而兵死當其日以命其國 荊州占曰太白已
出高二三丈乍入乍見如此三日四日不過五日必有
大戰 兵勢要秘術曰太白出三日而復入入三日乃
出其國有軍軍敗所謂出國若是已國戒勿動有挑戰
勿應之雖戒勿動密嚴可也軍出乃為動耳 文曜鈞
曰陰卑俯軍相圖先戰敗將見誅又曰上復下下復上

將反天下駭擾 荊州占曰太白不出一年強國之君當之不出二年強國之君死之

太白經天晝見三

石氏曰凡太白不經天若經天天下革政民更主是謂

亂紀人民流亡

孟康曰謂出東入西出西入東也太白陰星出東當伏東出西當伏西過午為

經天昏灼曰日陽也日出則星亡晝上午上為經天也

石氏曰太白經天見午

上秦國王天下大亂 荊州占曰太白晝見於午名曰

經天是謂亂紀天下亂改政易王人民流亡棄其子去

其鄉里

案宋書天文志曰宋後廢帝元徽五年五月戊申太白晝見午上光明異常宋順帝昇明元年

九月丁亥太白在翼晝見經天占曰更姓後一年齊受禪之驗

荊州占曰太白夕見

過午亦曰經天有連頭斬死人陰國兵強王天下女主

用事陽國不利 春秋元命包曰殺失則攻戰刑故太

白逆經天屠君父外夷征 京房對災異曰人君薄恩

無義懦弱不勝任則太白失度經天則變不救則四邊

大動蠻貊侵也 春秋文曜鉤曰太白經天主失樞

春秋緯曰彗守角太白經天金精之國虛謀殺作兵

春秋漢含孳曰陽弱臣逆則太白經天

陽弱君宗弱不堪為主也

孝經鈎命訣曰天子失兵則太白經天

雒書雒罪級

曰太白經天不日桀侯代政

巫咸曰太白晝見而經

天爭明而兵起天下驚強國弱女主有名

天官書曰

太白晝見經天強國弱弱國強女主昌也

巫咸曰太

白當戶期百八十日蚩尤出兵且起大將在野

巫咸

曰太白上中天下有一主之命

又占曰太白不當中

而中孟月見之侯王當之仲月見之大將軍當之季月

見之小民當之 又占曰太白不當過中是謂絕綱四

國兵起 春秋緯運斗樞曰太白赤芒世有過為大臣

三公所乘則太白經天有此類則亡引也 荊州占曰

太白經天海內悲泣九州搖動奮兵負糧 春秋緯考

異郵曰陪臣行毒諸謁向尊則太白經天主命凶 荊

州占曰太白再經天一入中宮天下更王國破主絕期

不出三年

案班固天文志曰秦二世即位太白再經天因以張楚並興兵相踰藉秦遂以亡蘇林曰

踰音臺登躡也或作踰

荊州占曰太白晨出東方過食時而明

有兵期四十日若至日中而明兵起將行期三月 荆
州占曰太白晨出東方而中乃明亡地之君在東方若
東北方期六十日 又占曰太白見東方上至午將奪
君又曰陽國王當位者受之 又占曰太白見東方至
丙巳之間小將死過午有起霸者 荊州占曰太白出
高至巳午之間士卒勞有不利軍者難以得功也 又
占曰太白出西方上至未陰國有霸者若過未及午陰
國王令天下一曰至午者陰國王者當其位者受之

陳卓曰太白從西方若東方上至午皆為有兵 荊州
占曰太白上至午未間天下易王陽國兵強當其位者
受之 又占曰太白始出辰巳間為荊楚正巳殺大將

出午天下有亡國出午未間天下亡王者昌 荊州占

曰太白晝見與日爭光是謂經天大亂十年人民流亡
去其鄉女主昌執政近日國必有喪日中而見事必然

司馬彪天文志曰太白晝見經天為兵喪在大人

案檀

道鸞晉陽秋曰孝武太元三年九月太白晝見在角五
年九月癸未皇后王氏崩十二年六月癸卯太白晝見

經天在柳十月庚午太白晝見在斗十三年正月內左將軍康樂公謝玄薨十四年妖賊鄧黎梅號於皇丘劉年之減之甘氏曰太白晝見天子有喪天下更王大亂是

謂經天有亡國百姓皆流亡

案司馬彪天文志曰孝安永初元年六月辛丑太白

晝見經天延光元年三月癸巳鄧太后崩孝順永和五年四月戊午太白晝見其六年大將軍梁商薨九江丹陽賊周生馬勉等起兵攻沒郡縣梁氏又專權於漢廷中孝順漢安二年正月己亥太白晝見七月甲申太白晝見明年順帝崩孝冲即位明年正月又崩章昭洞紀曰桓帝元嘉元年二月太白晝見永興元年二月太白晝見其年夏月河水溫漂殺人百姓飢窮流移道路數十萬戶宋書天文志曰魏黃初四年六月甲申太白晝見五年十月乙卯太白又晝見時孫權受魏爵號而稱兵拒守七年五月文帝崩八月吳圍江夏冠襄陽魏江

夏太守文聘固守得全將軍司馬懿救襄陽斬吳將張
霸晉惠永康元年三月太白晝見占曰為不臣晉孝
武太元七年十一月太白晝見在斗中八年四月甲
子太白又晝見在參九年六月皇太后褚氏崩也

荊州占曰太白晝見名曰昭明強國弱國霸兵大起

期不出年

案宋書天文志曰晉孝武太元七年十一月
太白晝見在斗八年四月甲子太白又晝見

在參是月桓冲征沔漢楊亮伐蜀並拔城略地八月苻
堅自將兵號百萬九月攻沒壽陽十月劉牢之破堅將
梁成斬之殺獲萬餘人謝玄等又破堅於肥水斬其弟
融堅大衆奔潰九年八月謝玄出屯彭城經略中州十
年八月苻堅為其將姚萇所殺十一年二月戊申太白
又晝見在東井十二年慕容垂寇東阿翟遼寇河上姚
萇假號安定苻登自立隴上呂光竊據涼十二年十月
庚午太白晝見又在斗自是慕容垂翟遼姚萇苻登慕容

容永並阻兵爭強十四年正月彭城妖賊又稱號於皇丘劉牢之攻破滅之三月張道破合鄉圍太山向欽之擊走之是年翟遼又攻滎陽侵略陳項于時政事多弊治道陵遲也

巫咸曰太白晝見

是謂陰明來年強國有喪

宋孝武太元二十年七月太白晝見在太微二十一年三

月太白連晝見在羽林二十一年七月武帝崩

司馬彪天文志曰太白晝見

為強臣爭

宋書天文志曰魏明帝青龍三年十月壬申太白晝見在尾歷二百餘日恒見占曰尾為

燕燕臣強有兵四年三月己巳太白與月俱在丙晝見積二百八十餘日是時公孫淵自立為燕王署置百官發兵距司馬懿討滅之韋昭洞記曰漢安帝永初二年正月太白晝見漢陵河陽失殺三千五百七十八人五月旱三年京師人相食司馬彪天文志曰孝順永和三年三月壬子太白晝見六月丙午太白晝見八月乙卯太白

晝見閏月乙卯太白晝見太白將軍之官又為西州晝見陰盛與君爭明此時將軍梁商父子秉勢故太白常

太白變異大小傍有小星四

巫咸曰太白下為壯公止於山林

案風俗通云東方朔者太白星精黃帝時

為風后堯時為務成子周時為老聃在越為范蠡在齊為鷗夷言其神聖能興王霸之業變化無常列仙傳及漢武故事並云朔是歲星精應劭云是太白精

荊州占曰太白赤圓大而光

期不出九十日大兵起

石氏曰太白圓大怒而赤天

下有兵盛而不戰

巫咸曰太白出而大兵革將興旌

旗相望兩敵相當大將行 甘氏曰太白獨行赤則十
五日戰從芒之所指而擊者勝 荊州占曰太白白而
芒角色青白若芙蓉置竿有影歲大熟主壽將益祿以
戰勝守固 荊州占曰太白當效而出色白西方利
荊州占曰太白當效而出色黑北方利 又占曰太白
當效而出色赤為兵不足傷南方利 荊州占曰太白
色白又曰白甚春有喪 又占曰太白始出赤而大其
年有兵 又占曰太白色赤有憂又曰其色赤國失兵

將死 甘氏曰太白始出大而後小其國兵弱始出小
而後大其國兵強 荊州占曰太白出小而後大大兵
起東方為陽國西方為陰國又曰始出微細不明後大
而光者戰兵初弱後勝 荊州占曰太白始出大而後
小出東方為陽國出西方為陰國又曰始出大而生光
後小不明戰兵初勝後亡 巫咸曰太白出小有城其
將不能守有兵而不戰 又占曰太白微小不明天下
盜賊多不明亮者所居之國尤甚 荊州占曰大白小

色黑角短歲熟一曰飢旱主卑將軍辱戰不勝 石氏

曰太白小以角動兵起 郝萌曰太白小以角動不出

三年中央兵起 巫咸曰太白出西方小而圓

荊州占曰或小

而高敢戰吉不敢戰凶西方北方以舉兵天下不能當黃

昏出陰國之兵強 巫咸曰太白傍有小星數寸若尺

期八日邊城有功 荊州占曰太白色赤小以動天下

出兵大將失地以歸之兵起 巫咸曰太白夕出西方

以八月四日候之傍有小星附之若去之尺餘至二尺

客軍大敗有死將軍在外傍有小星去之尺軍罷

太白流動與列星鬪五

郝萌曰太白流國有兵將死 石氏曰太白動搖進退
左右用兵吉靜凶太白圍以靜用兵靜吉躁凶 荊州
占曰太白大而角搖居不安東西南北乍上乍下如欲驚
者其年有喪大小必至 郝萌曰太白與宿星鬪不出
一年有失國之君將失位 荊州曰太白與列星鬪兵
弱為客者利

太白穰氣暈彗六

黃帝占曰太白生為氣而白穰明日大風發屋折木道上無灰不出五日粟大貴五倍不出年中有兵歲多大霧傷五穀婦人多災傷其子者不過十月而止黃帝

占曰太白生穰氣長三丈若六丈大風雨兵起所指處

天下民主俱驚

文或作尺

孝經右祕曰太白垂冠天下亂

臣下叛甘氏曰太白之為雲如林如杖如杵皆兵喪

俱起期二月巫咸曰太白白暈天下赦有喪有喜不

出二十日且失國失兵 郝萌曰太白出彗西南維中
國民受兵亡地不出二年 石氏曰太白出帚西北維
胡狄受兵不出一年亡地 石氏曰太白出帚西南維
候中國民為多受兵亡地不過一年

唐開元占經卷四十六